



**Republika e Kosovës**  
**Republika Kosova-Republic of Kosovo**  
**Qeveria - Vlada - Government**  
**Ministria e Administrimit të Pushtetit Lokal**  
**Ministarstvo Administracije Lokalne Samouprave**  
**Ministry of Local Government Administration**

Prishtinë, \_\_/ \_\_2019

Nr. 454/162

Në mbështetje të nenit 4, 21 dhe 22 të Ligjit Nr. 03/L-189 për Administratën Shtetërore të Republikës së Kosovës, (Gazeta Zyrtare, Nr. 82, 21 tetor 2010), nenit 8 paragrafi 1.4, të Rregullores Nr. 02/2011 për Fushat e Përgjegjësisë Administrative të Zyrës së Kryeministrit dhe Ministrive, nenin 5 të Ligjit Nr. 03/L-040 për Vetëqeverisje Lokale, si dhe Ligjin NR.06/L-133 për Buxhetin e Republikës së Kosovës për vitin 2019, lidhet kjo:

**MARRËVESHJE E MIRËKUPTIMIT PËR BASHKËFINANCIMIN E PROJEKTIT**  
**"NDËRTIMI I OBJEKTIT TË RI TË KOMUNËS"**  
**KOMUNA E SUHAREKËS**

**Palët Nënshkruese**

1.Ministria e Administrimit të Pushtetit Lokal e përfaqësuar nga Ministri i MAPL-së (në tekstin e mëtejme MAPL),

dhe,

2. Komuna e Suharekës përfaqësuar nga Kryetari Komunës, (në tekstin e mëtejme Komuna),

## **Neni 1 Qëllimi**

Qëllimi i kësaj Marrëveshje është bashkëfinancimi i projektit "Ndërtimi i objektit të ri të komunës" si dhe përcaktimi i obligimeve të MAPL-së dhe Komunës së Suharekës, për realizimin e këtij projekti.

## **Neni 2 Vlera e projektit dhe mënyra e bashkëfinancimit**

1. Projekti ka vlerën para llogaritave prej 1,600,000.00€.
2. MAPL nga buxheti i saj vjetor i vitit 2019, financon këtë projekt në shumën prej 500,000.00€ ndërsa për vitin 2020 MAPL financon 850,000.00 €
3. Komuna e Suharekës nga buxheti i saj vjetor i vitit 2019, financon këtë projekt në shumën prej 50,000.00 € ndërsa për vitin 2020 komuna financon me 200,000.00 €

## **Neni 3 Obligimet e Ministrisë së Administrimit të Pushtetit Lokal**

1. MAPL-ja i zotën mjetet për projektin nga neni 2 paragrafi 2 i kësaj Marrëveshje dhe një kopje e dërgon në Komunë.
2. Pagesat nga MAPL, do të bëhen në bazë të realizimit të punimeve/furnizimeve sipas kushteve të kontratës, në rastin e bashkëfinancimit të projektit pagesat e para bëhen nga mjetet e zotuarat të buxhetit të MAPL-së .
3. MAPL monitoron këtë projekt, dhe në rast se vëren parregullsi apo defekte gjatë realizimit të kontratës njofton menaxhmentin e MAPL-së.

## **Neni 4 Obligimet e Komunës**

1. Komuna është e obliguar që pas nënshkrimit dhe protokollimit të Marrëveshjes së Mirëkuptimit të hartoj projektin zbatues, të siguroj tërë dokumentacionin e nevojshëm në mënyrë që të krijohen kushtet e nevojshme që projekti të realizohet pa pengesa, me qëllim që MAPL të fillon me procedurat e sigurimit të zotimit të mjeteve të dala nga kjo marrëveshje.
2. Palët janë pajtuar që Komuna të jetë bartëse e të gjitha procedurave të prokurimit.
3. Komuna e siguron deklaratën e disponueshmërisë së mjeteve në vlerën e parallogaritur të projektit.
4. Komuna obligohet që projektin ta zhvilloj në pajtim me Ligjin e Prokurimit Publik të Kosovës, Ligjin për Menaxhimin e Financave Publike dhe Përgjegjësi, si dhe aktet tjera nënligjore.
5. Komuna obligohet që pas nënshkrimit të kontratës me Operatorin Ekonomik të sjellë një kopje të kontratës identike me origjinalin në MAPL, së bashku me informatat për biznesin me qëllim të nxjerrjes së urdhër blerjes ( numrin e biznesit dhe numri i llogarisë bankare).



7. Projekt menaxheri/organi mbikëqyrës me përgjegjësi të plotë, vërteton sasitë dhe kualitetin e punëve/furnizimeve të kryera, në bazë të cilave operatori ekonomike lëshon dokumentin financiar (faturën), me kërkesën për realizimin e pagesës të punimeve/furnizimeve të kryera, duke iu referuar kushteve të kontratës.

8. Komuna obligohet që të njoftoj MAPL-në për çdo propozim ndryshim eventual të sasisë dhe kualitetit gjatë implementimit të projektit ndërsa për punime shtesë Komuna duhet të merr aprovim paraprakisht nga MAPL ( për pjesën e financuar nga MAPL).

9. Komuna e obligon Operatorin Ekonomik që të vendos tabelën informuese (Panon) standarde me shënimet për projektin, investitorët dhe operatorin ekonomik.

10. Komuna duhet të ndërmerr të gjitha masat që projekti të përfundoj brenda vitit buxhetor 2019. Pas këtij afati të gjitha obligimet dhe përgjegjësitë i kalojnë Komunës.

11. Komuna është e obliguar të raportoj në MAPL-në për rrjedhat e realizimit të projektit sipas dinamikës së punimeve deri në përfundim të projektit.

12. Komuna obligohet që të dërgoj një konfirmim zyrtarë në MAPL, me të cilin njofton se projekti ka përfunduar.

#### **Neni 5**

#### **Dokumentacioni i nevojshëm për pagesë nga Komuna**

1. Komuna obligohet që për t'i realizuar pagesat për punët/furnizimet e kryera të kompletoj dokumentacionin si në vijim:

1.1. Kopjen e Kontratës të nënshkruar së bashku me Kushtet e përgjithshme, të veçanta dhe ofertën financiare e cila duhet të jetë identike me origjinalin e vërtetuar nga menaxheri i prokurimit të komunës;

1.2. Vendimin për caktimin e projekt menaxherit/organit mbikëqyrës/komisionin e pranimi nga ana e Komunës, në rast se nuk është e definuar me kushtet e veçanta në kontratë;

1.3. Raportin e projekt menaxherit/organit mbikëqyrës/komisionit të pranimi mbi punët/furnizimet e kryera të aprovuara (origjinali);

1.4. Faturën nga operatori ekonomik dhe situacionin e aprovuar (origjinali);

1.5. Sigurimin e ekzekutimit, garanacionin e kualitetit me pranim teknik sipas kushteve të kontratës;

1.6. Kopjen e certifikatës së biznesit, llogarinë bankare dhe letërnjoftimin e pronarit të operatorit ekonomik (nëse nuk është i regjistruar në SMIFK-Departamenti i Thesarit-Ministria e Financave).

**Neni 6**  
**Pronësia e projektit**

1. Me pranim dorëzimin e punëve të kryera nga ana e operatorit ekonomik, ky investim (projekt) nga kjo Marrëveshje e Mirëkuptimit do kaloj në pronësi të Komunës.
2. Ky investim regjistrohet në pronësi të komunës në mënyrë elektronike dhe fizike, në sistemin e pasurisë në Ministrinë e Financave (SMIFK).

**Neni 7**  
**Ndryshimet dhe ndërprerja e Marrëveshjes së Mirëkuptimit**

1. Me pëlqimin paraprak të Ministrit të MAPL-së, dhe Kryetarit të Komunës marrëveshja mund të ndryshohet ,modifikohet dhe plotësohet.
2. MAPL-ja mbanë të drejtën e ndërprerjes së Marrëveshjes në rast se konstaton se Komuna nuk i përmbush obligimet e veta të dala nga kjo Marrëveshje.

**Neni 8**  
**Zgjidhja e mosmarrëveshjes**

Palët janë pajtuar që mosmarrëveshjet të zgjidhen me mirëkuptim.

**Neni 9**  
**Hyrja në fuqi**

Kjo Marrëveshje hyn në fuqi në momentin e nënshkrimit të saj nga Ministri i MAPL-së dhe Kryetari i Komunës.

Marrëveshja e Mirëkuptimit është nënshkruar në dy (2) kopje origjinale, nga një kopje për secilën palë nënshkruese.

Ivan Todosijević,  
Ministër në MAPL-së

Bali Muharremaj ,  
Kryetari i Komunës së Suharekës

